

NIGITIWATAALE NIWAKATE TIMÓTEO

Niḡijo Paulo naḡa idí naḡadi liwakatetigi Timóteo, idei niwilogonaḡaxi digoida nigotaḡa Roma. Paulo ja yowoḡodi moyelodi niḡicoa nokododi. Diniwilo leeḡodi me diotece Jesus. Naḡadi liwakatetigi Timóteo owidije me lidie maleedaḡa oyelodi. Paulo didikotibige Timóteo eotibige midioka limedi me dinoniciwaḡadi me nakato Goniotagodi, codaa dipokota Timóteo me dinageticogi minitaḡa maleedaḡa oyelodi.

Paulo yecoaditibige Timóteo, codaa me diniotagodetalo Aneotedoḡoji leeḡodi Timóteo, codaa yelḡodita midioka limedi me dipokoteloco niḡina me yotaḡaneḡe Aneotedoḡoji. Codaa aaḡaḡa eo loniciwaḡa Timóteo me daḡa niboliḡa me diotece Jesus, miḡetaḡa leeḡodi Paulo me diniwilo. Pida eo loniciwaḡa midioka limedi meliodi me nakato Goniotagodi, codaa midioka limedi me diiḡaxinaḡatece niḡijoa Paulo baanaḡa iḡaxitece. Paulo eo loniciwaḡa Timóteo me dinatitalo lawikodico micataḡa daḡa niḡina niodaḡawa Cristo anele. Paulo eledi yalaḡata niḡica ane leeditibige modaḡee Timóteo mijo me nowienoḡodi loiḡi Cristo. Eo leemidi Timóteo leeḡodi anodaḡeeteda lakataḡa niḡica oko nigowidijedi nokododi. Paulo yalaḡata midioka limedi meo ane liigenatakaneeḡi Goniotagodi idaḡee mowidi lawikodico, oada Goniotagodi icota me yajigote ane laḡajegitetema.

Paulo yecoeditibige Timóteo

¹ Ee Paulo, ee liigexegi Jesus Cristo, leegodi jīgidaa ane yemaa Aneotedoḡoji. Jesus Cristo idiigē me jeloḡoditibece Aneotedoḡoji me ligegi me yajigote lewiḡa ane diḡica liniogo niḡina oko anoyexogotege Jesus Cristo. ² Timóteo, jiwakateetibigaḡaji naḡadi iwakate notaḡanaḡaxi, akaami ane micataḡa deḡewi makaami ionigi, eliodi me ḡademaani.

Jemaa Aneotedoḡoji Godiodi, codaa me Goniotagodi Jesus Cristo midioka limedi meletaḡadomi, codaa midioka limedi metiḡadiwikodeni, codaa midioka limedi mowo ḡadaaleḡena mele.

Paulo diniotagodetalo Aneotedoḡoji codaa me iladee Timóteo

³ Idioka limedi me iniotagodetalo Aneotedoḡoji, ane ee liotagi digo mijotaḡa niḡijo jotigide yaamipi modibatema, idioka limedi me jeemitetece me diḡica ibatiigi catiwedi yaaleḡena. Codaa idioka limedi me jotaḡaneḡe Aneotedoḡoji noko, codaa menoale. Niḡina me jotaḡaneḡe Aneotedoḡoji, oada jipokotalo me ḡadaxawani. ⁴ Nalaḡatibigiji meliodi manoenitibece niḡijo naḡa jawalacaḡatiwage. Joaniḡidaa leegodi meliodi me jemaa me ḡadatitace, amaleeḡaḡa eliodi me idinitibeci. ⁵ Eledi nalaḡatibigiji mewi me iwaḡati Goniotagodi, aḡokawii me iwaḡati. Anakatoni Goniotagodi digo anee eliwaḡatakaneeḡegi ḡadami Lóide, ajaa ḡadiodo Eunice. Ajawienataka me niḡidaaḡee ḡatiwaḡatakaneeḡegitema Goniotagodi,

digo mijotağa meniwağatakanğa ağıca değeyamağaticoace.

⁶ Leegodi midioka limedi manakatoni Goniotağodi, jema manalakitibige mabakeni gađixakedi ane yajigotedağawa Aneotedoğoji niğijo nağa jipeketağaloco ibağatedi me gađiomagađitema Aneotedoğoji libakedi.

⁷ Igaatağa Aneotedoğoji anajigotedoğowa niwigo aneo moko ageleemagipi, pida najigotedoğowa Liwigo aneo godoniciwaga, codaa meo me jemaanağa eledi oko, codaa meo me idinajacağatağatema niğinoa lidagađata gađolaadi codaa me godowooko.

⁸ Enice jinaga aniboliki meloğotitedibece nibodicatedi anele aneetece Goniotağodi, codaa jinaga anibolitikici me ee niwilogoğegi leegodi me ee liotaği Goniotağodi. Pida leeditibige me gađigomi mawikodeetema niğinoa gađawikodico anenagi leegodi me jeloğotağatedibece gađodicatedi anele, digo analeeğeji me jawikode. Iniaağiniwa Aneotedoğoji yajigotedağawa gađoniciwaga me ixomagađatenitedijo niğinoa gađawikodico midokee matiteti.

⁹ Aneotedoğoji godewikatiditace, codaa eniditedoğowa gađiomagađitedice moko nepilidi. Agodewikatiditace dağa leegodi minoa gađoenataka anele, pida godewikatiditace leegodi epaa yema, codaa idioka limedi meletedoğodomi. Aneotedoğoji aniğica dağa yoe niğina iigo nağa lowoogo meletedoğodomi leegodi niğijo loenatağitedoğodomi Jesus Cristo.

¹⁰ Niğina natigide, Aneotedoğoji ja nikeetedoğowa

meletedogodomi leegodi nigijo menagi Goniotagodi Jesus Cristo ane Gonewikatitogodi. Ja yaaḡadi nigijo loniciwaḡa némaḡa, odaa ja nikeetedoḡowa ḡonimaweneḡegi me jakataga ḡodewiḡa ane diḡica liniogo miniwataga Aneotedoḡoji, nigijo naḡa yeloḡoditedibece ḡobodicetedi anele.

¹¹ Aneotedoḡoji eote me ee liiḡexegi, eotedibige me jeloḡoditedibece ḡobodicetedi anele, codaa me jiiḡaxinaḡatece lotaga. ¹² Joanigidaa leegodi minoa niginoa yawikodico digoina niwilooḡonaḡaxi, pida aidiboliḡa me idiniwilo. Leeḡodi eliodi me jowoḡodi Niḡijoa anejiwaḡadi, odaa leegodi me jowoḡodi, ajawienataka me yakadi me yotete ijotawece nigijo ane jajigotalo nigepaaḡicota noko nige dopitedijo Cristo. ¹³ Oleetibige midioka limedi moteteni niḡijoa iigaxinaḡaneḡeco ane jeloḡoditedaḡawa, codaa niḡina mawinitibigelogo niḡijoa niigaxinaḡaneḡeco, iwitece micataga niḡina ḡowinigijegi ane inowikoḡoḡota. Odaa oleetibige midioka limedi manakatoni Goniotagodi, me daḡamiḡitice, codaa memaani eledi oko leegodi me ḡadexocitege Jesus Cristo. ¹⁴ Abakeni loniciwaḡa Aneotedoḡoji Liwigo ane digeladetigi catiwedi ḡadaaleḡena moteteni niigaxinaḡaneḡeco anele ane yajigotedaḡawa Aneotedoḡoji.

¹⁵ Joḡowoḡoti me daḡaleeḡica mowootibigiji iditawece ḡonioxoadipi ane niḡeladimigipitigi macataḡateloce Ásia. Fíḡelo ijaa Hermógenes eledi idi liwigotigi pida aḡaleeḡaḡica mowotibigiji.

¹⁶ Jemaa Goniotagodi midioka limedi me iwikode Onesíforo loiiwepodi, leegodi elioditibece meo yoniciwaga, codaa agica daga niboligatici me ee niwilogojegi. ¹⁷ Pida nigijo negenoticogi nigotaga Roma, odaa agica daga dinopagadi, odaa ja doletibigiji negepaa idakadi. ¹⁸ Jemaa Goniotagodi me iwikode Onesíforo nigica noko nige dopitedijo Cristo. Eliodi mowoogoti meliodi me idaxawa midiaagejo digoida nigotaga Éfeso.

2

Ica iodagawa, icaagica nalokodegecajo, icaagica nawodaganaga

¹ Akamaagakaami Timóteo, ane micataga degewi makaami ionigi, ele midioka limedi manakatonni Goniotagodi, codaa meloodagateeni gadaalegena, leegodi Cristo idioka limedi meletedagadomi. Eletedogodomi leegodi me godexogotege. ² Odaa nigijoa niigaxinaganegeco ane jiigaxitedagadici, anajipaatalo codaa eliodi oko aagaga owajipatalo, nigijoa niigaxinaganegeco iigaxinitece niginoa goneleegiwadi ane yakadi me jinakatonaga, amaleegaga oyakadi moiiigaxiteceeledi oko.

³ Ixomagateenitedijo niginoa ane dakaketagadomi mikeeni makaami nigina Jesus Cristo niodagawa anele. ⁴ Nigina iodagawa me diwitide, doletibige meo me ninitibece nigijo ane iomagaditice me iodagawa. Joanigidaa leegodi me dagadiaagica meote niginoa eletidi nibaketedi anowote me dinigaanyetece dinyeelo. ⁵ Codaa nigina nalokodegecajo aneo loniciwaga me dinigaanye, adinigaanyetece lale ane nogete, nige

daḡa dioteci icoa ane lakataḡa ica nalokodeḡeḡeḡajo. (Odaa leeditibige madinoniciwaḡati awii liciagi niḡijo nalokodeḡeḡeḡajo).⁶ Niḡina nawodaḡanaḡa aneliodi me diba, joaniḡiniaa leeditibige modoejegi me dibatege ane niwai. (Akaami adinoniciwaḡati awii liciagi niḡijo nawodaḡanaḡa, odaa jaḡabaatege ḡanaḡajegi.)⁷ Owoo niḡinoa anejitedaḡawa, odaa Goniotaḡodi eote mowoḡoti ane diitigi inoatawece niḡinoa ane jeloḡoditedaḡawa.

⁸ Analakitibige Jesus Cristo, anida aneetetege Davi licoḡegi, me yewiḡatace, niḡijo me yeleo. Joaniḡinaaḡinoa ḡobodicetedi anele ane jatematitedibece, oneloḡoditoḡowa Jesus Cristo me yewiḡatace.⁹ Etidigoetece galeenatedi micataḡa daḡa ee ḡonematagaḡodi, odaa ja jawikode leeḡodi me jatematitedibece ḡobodicetedi anele. Pida baadiḡica ane yakadi me igoetedi Aneotedoḡoji lotaḡa, niḡinoa ḡobodicetedi anele.¹⁰ Joaniḡidaa leeḡodi me idinatitalo inoatawece yawikodico leeḡodi niḡina oko Aneotedoḡoji ane iomaḡaditedicoace me nepilidi amaleeḡaḡa oyakadi moyexogotege Goniotaḡodi, odaa jiḡida lewiḡa miniwataḡa Jesus Cristo, codaa moyakadi moiweniḡide midioka limedi modinawanaḡaditege, anigida noko nigototalo.

¹¹ Niḡida nigeḡi ewi niḡijo mee,

“Niḡina nige ḡodemaḡawa Cristo,

odaa ḡodewiḡatace odaa idejonaḡate miniwataḡa.

¹² Nigidioka limedi me idinatiḡatalo niḡinoa ḡodawikodico,

odaa jaḡageote ḡonaḡatetigi me
ḡodiḡenatakanaḡawa Cristo.

Pida niḡejinaḡa me diḡica anejinaḡateḡe,
odaa nebi aaḡaḡaee me daḡa ḡodowoḡoditeda.

¹³ Niḡe daḡadiaaḡejiwaḡataḡa lotaḡa,
pida idioka limedi meote niḡijo ane ligegi
(odaa iwi anigotedoḡowa)”.

(Leeḡodi ayakadi daateḡeote niḡijo ane ligegi.)

*Ica nibakecajo aneo Aneotedoḡoji me ninited-
ibece*

¹⁴ Awii niḡina anonakato Goniotaḡodi
monalaḡatibige niḡijoa iḡaxinaḡaneḡeco.
Ajoini Goniotaḡodi lodoe me daḡadiaa nidelaḡa
leeḡodi niḡinoa notaḡa ane doḡoyowoḡodi
ane diitigilo, iḡataḡa niḡina me dinotigimade
ayaxawa oko anowajipatiḡi, pida beḡeo me
daḡadiaa eniwaḡatakanaḡa. ¹⁵ Adinoniciwaḡati
madinikeeni lodoe Aneotedoḡoji micataḡa niḡica
nibakecajo Aneotedoḡoji ane yakadi mele, ane
daḡa niboliḡatece libakedi, ane iḡenaḡa me
diiḡaxinaḡatece Aneotedoḡoji lotaḡa anewi.

¹⁶ Pida oxaxini jinaḡa adinotigimadeniteḡe
niḡina oko ane dinotigimadetiwaḡe leeḡodi
niḡinoa notaḡa ane diḡica jaḡate, niḡidi oko
ane doḡodeemitetibige Aneotedoḡoji. Iḡataḡa
niḡina me dinotigimadetiwaḡe, owo eledi oko
mepaanaga leegita me yetecetedice Aneotedoḡoji.

¹⁷ Liḡaxinaḡaneḡeco ane deḡewiteda ja
yaḡadi eliwaḡatakaneḡegi, micataḡa niḡina
nilotapagaḡegi ane daḡa ici ane yelio ḡobole.
Himeneu, ijaa Fileto itoataale niḡaxinaganadi
ane lemaanigi modinotigimadeteḡe eledi

oko, codaa modiiḡaxinaḡatece ane deḡewi.
 18 Niḡijoa itoataale ḡoneleegiwadi oika niḡijoa niḡaxinaḡaneḡeco anewi, codaa me naigi Goniotagodi jogoika anepegewi, odaa joḡodiḡaxinaḡatece Aneotedoḡoji naḡa ixomagatice me yewikatiditace oko, odaa aḡaleeḡeote me ḡodewiḡatace. Joaniḡidaa midi oko anoyaaḡadi eliwaḡatakaneeḡegi.

19 Pida niḡijoa niḡaxinaḡaneḡeco anewi Aneotedoḡoji ane najigotedoḡowa adiniigi. Micataḡa niḡina lipodaḡaladi diimigi Aneotedoḡoji ane ixotedio, ane datite, ane daḡa digike. Aneotedoḡoji micataḡa daḡa iditedeloco lotaḡa miditaḡa niḡijo lipodaḡaladi diimigi, niḡijoa lotaḡa anee,

“Goniotagodi Aneotedoḡoji yowoḡodi ijotawece niḡijo anida aneeteteḡe”,

codaa ijo eledi ligegi anee,

“Ijotawece anodi mida aneeteḡe Goniotagodi, leeditibige moika libeyaceḡeco.”

20 Niḡina diimigi-nelegi, liico ligeladi, ada boote idaa baxia oolo, codaa me beexo. Codaa idiwa eletidi baḡa iwoḡo, codaa me napaloaḡa. Niḡijo ane nebi diimigi idoka ibake naḡajo boote oolo, anaa beexo niḡina midi lalokegi, oḡoa, domige niḡina mini lanaaḡa ane daḡaxa me ḡoneḡegi. 21 Nigica oko ane daḡa dioteci niḡijoa niḡaxinaḡaneḡeco ane deḡewiteda, aneo oko me nibataaḡa, niḡini oko liciaceekawa naḡajo boote idaa baxia oolo, anaa beexo, aneliodi niwaló. Niḡijo oko aḡalee liciaceekawa naḡajo boote iwoḡo inaa napaloaḡa ane deḡeliodi niwaló. Digo mijotaḡa niḡijo ane nebi diimigi

me iomaɣaditedice niɣijoa bootitedi ane daɣaxa me diniwaloe, jiɣidaagee Aneotedoɣoji me iomaɣaditedice niɣijo oko ane daɣa dioteci niɣijoa niɣaxinaɣaneɣeco ane deɣewiteda, eotedibige me yakadi me ibake niɣini oko mepoka dibatema. Niɣini oko ja igotema Niotagodi me ibake, codaa ja dinenyaɣadi meo okanicodaaɣica nibakedi anele.

²² Enice oxaxini niɣinoa lidekeco ɣodolaadi ane beyagi lionekadi anidioka limedi moyemaa mowote. Pida adinoniciwaɣati madineɣenaɣati, codaa oleetibige midioka limedi manakatoni Goniotagodi, codaa memaani eledi ɣonioxoadiipi, codaa me ɣadilakiitege eledi oko. Jiɣidaa nige ɣadiciagi niɣijo ane yapidi laaleɣenali anodipokotalo Goniotagodi me yaxawatediogi.

²³ Pida oxaxini adaɣadinotigimadenitege niɣina oko ane dinotigimadetiwage leeɣodi niɣinoa notaɣa ane deɣeleteda, ane diɣica jaɣa, igaataɣa joɣowoɣoti niɣina oko dinotigimade nigepaa nidelaɣa.

²⁴ Leeditibige niɣina liotagi Goniotagodi me daɣa didele. Pida leeditibige mokaagegitema inatawece oko, codaa me yowoɣodi anigota me diɣaxinaɣatece Aneotedoɣoji lotaɣa, codaa leeditibige me dinatitiogi niɣina oko anodoletibige modinotigimadetege.

²⁵ Eledi leeditibige me diniwikodetibece niɣina me dinilakidetege niɣina ane doɣoiite. Ijoatibige Aneotedoɣoji daɣa yaxawa modinilaatece libeyaceɣeco, odao joɣoyowoɣodi niɣaxinaɣaneɣeco anewi. ²⁶ Odao jiɣidaagee niɣica oko nige yakadi mopitaceloco mele me dowooko, codaa ja iwoko diaabo eloona,

ane yatitiogi niḡina oko meotibige mowo niḡica ane yemaa.

3

Anodaageeteda niḡicoa owidijedi nokododi

¹ Timóteo, ele mowoogoti anodaageeteda niḡicoa owidijedi nokododi, maleedaga yaaḡaditeda Aneotedoḡoji niḡina iiḡo, jinataḡa owidi niḡicoa ane doide. ²⁻⁴ Iḡataḡa digawini anodaagee niḡica oko niḡicoa nokododi: Adodigo-madadi, daḡaxa moyemaa dinyeelo, codaa modi minoa nimaweneḡeco, anaḡaxakenaḡaga, lemaanigi moiwo eledi oko. Codaa aḡoyiwaḡadi eliododipi, aḡodiniotagodemaa eledi oko, aḡodeemitetibige Aneotedoḡoji, aḡoyemaa eledi oko, oteḡexaaḡaga oiwikode eledi oko. Codaa owo liwitakeḡitigi eledi oko, adinajacaḡaditema niḡinoa lidaḡataka lolaadi ane beyagi, codaa loidenaḡa, codaa odakapeteḡe anele. Ayakadi me jinakatonaga niḡina oko liciagi, yediḡa mowo loenataḡi ane beyagi anowookonaḡa. Niḡica oko odiletibige deḡeletibigiwaji caticedi eledi oko, nalokecajoli, pida baadoḡoyemaateda Aneotedoḡoji. ⁵ Niḡidi oko onowo modioteci naigi anewi, pida aḡoika Aneotedoḡoji me ibake loniciwaḡa me iigi anee me newiḡa. Timóteo, jiniḡipeccitiogi niḡina noiigi liciagi.

⁶ Iḡataḡa initibece niḡidiwa ḡoneleegiwadi oninaaletiniwace oko owotibige moyakadi modakatiwece niḡinoa diimaḡa. Odaa joḡoyakadi moiḡe lewiḡa niḡinoda iwaalepodi ane diḡica mele lowoogo, ane daḡa leegitibige mowo ane beyagi. Iḡataḡa niḡidi iwaalepodi oyemaa

modioteci niḡinoa lidaḡataka lolaadi ane beyagi. ⁷ Niḡidi iwaalepodi idioka limedi modoletibige moyowoḡodi okanicodaḡica gela nakatigi, pida ḡica nimaweneḡegi dogoyowoḡodi niḡaxinaganeḡeco anewi, codaa ḡoyakadi moyowoḡodi Aneotedoḡoji. ⁸ Niḡijo jotigide ijoa itoataale oxikonagaga ane liboonagatedi Janes ijaa Jambres nakapetegi Moisés aneetece lotaga Aneotedoḡoji. Idaagee niḡinoa ḡoneleegiwadi abeyacagaga modakapetege niḡaxinaganeḡeco anewi. Ḃgaleeḡica degele lowooko, oteḡexaḡagalee oyiwaḡadi niḡaxinaganeḡeco ḡotiwaḡatakaneḡegi. ⁹ Pida niḡida libakedi ḡica aneletema, iḡaataḡa inatawece oko icota monadi me yetoledi, digo anee niḡijo jotigide niḡijo oko noḡonadi Janes ijaa Jambres me yetoledi niḡijo naḡa nakapetegi Moisés.

Owidijedi Paulo ladeenaganeḡeco

¹⁰ Pida akamaḡakaami Timóteo jḡiwitece niḡijo ane jiiḡaxitaḡadici, codaa eledi jḡiwitece anodaageji me idewiḡatema Jesus Cristo, owoḡoti niḡica anidioka limedi me jema me jaotema Aneotedoḡoji, codaa me jinakato, owoḡoti anodaagee me idinatitiogi niḡijo oko yakapetedipi, codaa owoḡoti me diḡicaadaḡa jema niḡina oko, eledi owoḡoti me jixomaḡateetedijo ijoatawece ane dakaketomi leeḡodi ibakedi. ¹¹ Niḡida makaami owoḡoti monigaalatibici domoḡowo anodigotiwa, codaa owoḡoti anodaa yawikodigi midiwa nigotadi Antioquia, Icônio, Listra. Eliodi monigaalatibici

me domogowo anodigotiwa, codaa eliodi me jawikode. Pida Goniotagodi idatamaḡateetege ijoatawece niḡiḡo yawikodico. ¹² Ewi okanicodaagica oko anidoka yemaa me yewiḡa me yexogotege Jesus Cristo, niḡini oko oigaaletibece odoletibige mowo anodigota, codaa me dawikode. ¹³ Pida niḡina oko ane beyagi, codaa niḡina oko anokowo monakato Goniotagodi, niḡidi jeḡepaanaga owo ane beyagi. Codaa ja daḡaxa moninaaletiniwace oko, codaa mepaa dininaaletibigiwaji.

¹⁴ Pida akamaḡakaami Timóteo idioka limedi me iwaḡati codaa me iwitece niḡiḡo niḡaxinaganegeco anewi anadiniḡaxinitece, ane iwaḡati, iḡaataḡa owoogoti niḡiḡo oko anetiḡadiiḡaxinitece niḡiḡo niḡaxinaganegeco. ¹⁵ Ele mowoogoti leegodi niḡiḡo maleeḡakaami nigaanigawaanigi noḡowoogoti niḡino a notaga ane icogotedigi miniwataga Aneotedoḡoji, codaa natigide. Niḡidiwa notaga ḡadiiḡaxinitece, anida loniciwaga meo ḡadixakedi manakatoni Goniotagodi. Aneotedoḡoji anodaagigote me yewikatiditace niḡina oko aneyiwaḡadi Jesus Cristo. ¹⁶ Iḡaataḡa idiwatawece lotaga Aneotedoḡoji anoiditedini niḡiḡo ḡoneleegiwadi niḡiḡo naḡa ikeetedigi Aneotedoḡoji Liwigo niḡica ane leeditibige moiditedini. Ele me jibakenaga lotaga Aneotedoḡoji me jiiḡaxinaga oko me jikeenagata libatico, codaa me joxokoḡoḡo niḡina oko, codaa me jiiḡaxinaga me dineḡenagadi. ¹⁷ Joaniḡidaagee me jibakenaga Aneotedoḡoji lotaga, jaogatiḡe niḡina oko anowo libakedi

Aneotedoꝑoji mida lixakedi ane yopotigi me dibatema Aneotedoꝑoji, codaa me igotema meo okanicodaaꝑica nibakedi anele.

4

Paulo iige Timóteo me igenaꝑadi me yeloꝑodi Aneotedoꝑoji lotaꝑa

¹⁻² Eliodi me ɣadajoini lodoe Aneotedoꝑoji iniaa Goniotaꝑodi Jesus Cristo, Niꝑjoa ane iwi anigoteta inatawece oko, niꝑina baꝑalee newiꝑa codaa me niꝑjo baanaꝑa nigo. Leeꝑodi Jesus Cristo me dopitedijo odaa iige inatawece niꝑina oko, ɣadajoini me eloꝑoti Aneotedoꝑoji lotaꝑa. Ele midioka limedi me ɣadigomi meloꝑotitedibece lotaꝑa Aneotedoꝑoji, niꝑina me eni mele, codaa niꝑina makati me daꝑa domegele. Eleditace, adinatiita niꝑina oko, codaa iigaxinitece lotaꝑa Aneotedoꝑoji niꝑina me enitece libeyaceꝑeco oko, codaa niꝑina mikeenitiogi libeyaceꝑeco, codaa awii loniciwaga moika libeyaceꝑeco, amanagawini odopitalo Aneotedoꝑoji. ³ Igaataꝑa icotalo nokododi niꝑina oko me daꝑaleeꝑowajipatalo niꝑinoa niigaxinaꝑaneꝑeco anewi. Pida odioteci niꝑica anepaa lidagataka lolaadi. Jeꝑepaanaga odoletibige niigaxinaꝑanadi anodiiꝑaxinaꝑatece aninokina anoyemaa niꝑina oko mowajipata. ⁴ Oika mowajipata niꝑinoa niigaxinaꝑaneꝑeco anewi, pida owajipatalo latematiko niꝑinoa laxokodi laamipi ane degewiteda. ⁵ Pida akaami baꝑa leeditibige madinajaꝑaꝑati niꝑina mida okanicodaaꝑica ane dakaketaꝑadomi, codaa

madinatiita niġinoā ane dakaketaġadomi, codaa mawii ane ġabakedi meloġotitedibece nibodicetedi anele aneetece Cristo, codaa magoti ġabakedi Aneotedoġoji ane yajigotedaġawa mawii.

Paulo nibeotege ica noġeedi anigida noko nige yeleo

⁶ Awii niġijo ane jajoitaġadici, igaataga emeġeeta ja idigo me ideleo leeġodi Cristo, codaa ja niġegi noko me jopitibigimece ditibigimedi. ⁷ Idioka limedi me idinoniciwaġadi me joletibige me jiġeke loniciwaġa ane beyagi. Ineliwaġaditedini inokododi micataga niġina nalokodeġeġajo anele me walokodi, oġaa ja nigotini me walokodi. Joaniġidaaġeġji idioka limedi me jotete codaa me jiġaxinaġatece niġaxinaġaneġeco ġotiwataganēġegi. ⁸ Oġaa niġina natigide jakadi me inibeotege niġica noġeedi anodibatege niġina oko naga gaanyaġa. Niġica ġonoġeedi one ġodale ane ikee Goniotaġodi me yakadi me ġodeġenaġa. Goniotaġodi ane Goniwinoġodi ane iġenaġa, Joaniġiniaa najigotediwa naġaca yale lodoe niġica oko, niġica noko nige iwi anigotediogi inatawece oko. Goniotaġodi aġemoka najigotediwa naġaca yale, pida yajigotediogi lale inatawece oko ane daġaxa moyemaa me age meno lanokeġi Goniotaġodi.

Paulo ibodicaxi Timóteo

⁹ Awii ġadoniciwaġa me age managi meetaga. ¹⁰ Igaataga Demas daġaxa me yemaa niġinoā aninoā diġoina iġo, anepaġa dinelio, oġaa ja

idaladi, jooƨopiticogi nigotaƨa Tessalônica. Crescente boƨopiticogi macataƨateloco Galácia, Tito biƨigo macataƨateloco Dalmácia. ¹¹ Iniokini Lucas biƨini digoina meetaƨa. Oleetibige Marcos, odaa ƨadixigaƨawa leegodi baƨa yakadi me idaxawatece niƨinoa ibaketedi. ¹² Ja jimonyaticogi Tíquico manitaƨa nigotaƨa Éfeso. ¹³ Niganagi, anadeegitatiwa naƨajo iniwetaƨajo ane joya minitaƨa Carpo digoida nigotaƨa Trôade. Eledi jipokotaƨawa manadeegi yotaƨanaƨaxiidi, pida enegegi jopotibige niƨijoa notaƨanaƨaxiidi laamotiidi ewacogo.

¹⁴ Niƨijo ƨoneleegiwa ane libonaƨadi Alexandre niƨijo anani laxacoƨonaƨaxi lajo ƨapilecege, owidi loenatakatomi ane beyagi. Pida Goniotaƨodi epaa dinilakidetetege leegodi niƨijoa loenatakatomi ane beyagi. ¹⁵ Akaami eledi adowetitibige niƨijo ƨoneleegiwa, leegodi eliodi me dakapetege niƨinoa notaƨa ane jelotaƨatedibece.

¹⁶ Niƨijo odoejegi me idinikee lodoe ƨoniwinogodi me ininigodi niƨijoa notaƨa anodakapetigi, aƨica ane idinienanege, pida iditawece niƨidi oko etidikatice. Pida ajemaa Goniotaƨodi daƨa laaƨetedipi niƨijo oko leegodi metidika. ¹⁷ Pida Goniotaƨodi iniwa meetaƨa, idinienanege, odaa najigotediwa yoniciwaƨa me jelogodi nibodicetedi anele aneetece Cristo. Odaa inatawece niƨina oko ane daƨa judeutedi digoina meetaƨa owajipatalo yotaƨa. Joaniƨidaaƨigotediwa Goniotaƨodi me idatamaƨateetetege ane doide, liaon nioladi.

¹⁸ Goniotaƨodi idatamaƨateetetege inoatawece

ane beyagi, codaa jowoogodi me idadeegit-edibigimece ninioxadi digoida ditibigimedi. Odaa jemaa midioka limedi minatawece oko onelecagatee Liboonagadi Goniotagodi. Jigidaagee (Amém).

Owidijedi lotaga Paulo me dibodenaaga

¹⁹ Jemaa me idecoaditibige Priscila ijaa Áquila, codaa me loigiwepodi Onesíforo. ²⁰ Erasto бага nenyagati manitaga nigotaga Coriinto, Trófimo idiaa jaladite manitaga nigotaga Mileto leegodi deelotika. ²¹ Ina bagawii gadoniciwaga manootiwa maleedaga limedi niwetaga. Êubulo, Prudente, Lino, Cláudia, codaa inataweceeledi gonioxoadipi oyecoaditibigagaji.

²² Jemaa Goniotagodi Jesus Cristo midioka limedi me noiigiwa gadiwigo. Codaa jemaa midioka limedi meletedagadomitiwaji. Odaa joanigidaagee.

Gela Liwai Lotaganaḡaxi Aneotedoḡoji **New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Kadiwéu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

PDF generated using Haiola and XeLaTeX on 11 Nov 2022 from source files
dated 29 Jan 2022
7128a549-e957-5460-8c56-0f5281edf264